



KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PPP)
SETIAUSAHA AKHBAR**

15 OKTOBER 2022 (SABTU)



KERATAN AKHBAR DAN MEDIA ONLINE (KPDNHEP)

15 OKTOBER 2022 (SABTU)

KPDNHEP sasar jualan KBBM RM3.28 bilion

JOHOR BHARU - Kementerian Dalam Negeri dan Hal Ehwal Pengguna (KPDNHEP) menasaskan peningkatan sebanyak 2.5 peratus atau RM3.28 bilion daripada jumlah jualan Kempen Beli Barangan Malaysia (KBBM) berbanding RM3.08 bilion pada 2021.



ALEXANDER

Menteri Perdagangan Dalam Negeri dan Hal Ehwal Pengguna, Datuk Seri Alexander Nanta Linggi, sasaran itu dibuat hasil daripada keberkesanan KBBM yang dijalankan ketika ini.

"Dari tahun ke tahun, ada peningkatan aktiviti untuk kempen KBBM ini dan untuk tahun ini (2022), sasaran kita adalah sekurang-kurangnya 2.5 peratus peningkatan berbanding tahun lalu.

"Kita juga merancang untuk bekerjasama dengan beberapa kementerian lain seperti dalam satu program di Kuala Lumpur sebelum ini, kita membantu mempromosikan hasil-hasil kraftangan Malaysia.

"Untuk itu, kita juga merancang untuk melakukan KBBM ini dengan lebih besar pada masa akan datang seperti penganjuran Pameran Pertanian, Hortikultur dan Agro Pelancongan Malaysia (MAHA) anjuran Kementerian Pertanian dan Industri Asas Tani (MOA)," katanya setelah menyempurnakan pelancaran KBBM di Plaza Angsana pada Jumaat.

Sementara itu, Alexander berkata, penganjuran lebih besar KBBM pada masa akan datang dilihat mampu membuka peluang berganda kepada lebih ramai peniaga dan usahawan untuk mengembangkan perniagaan mereka.

Malah katanya, ia juga dapat menyediakan peluang pekerjaan kepada lebih ramai orang terutamanya ketika era pasca Covid-19 ketika ini.

"Selain membantu ekonomi rakyat, kita juga berharap KBBM dapat mewujudkan peluang-peluang pekerjaan kepada mereka sekali gus ia dapat membantu masalah ekonomi yang dihadapi mereka ketika ini," ujar beliau.

34,560 kilogram gula, 10,550 liter minyak diesel disita

SEREMBAN- Kementerian Perdagangan Dalam Negeri dan Hal Ehwal Pengguna (KPDNHEP) Negeri Sembilan merampas 34,560 kilogram gula dalam serbuan di Bandar Sri Sendayan pada Khamis.

Pengarah, KPDNHEP Negeri Sembilan, Muhammad Zahir Mazlan berkata, serbuan pada jam 11 pagi itu turut menyita dokumen-dokumen yang berkaitan pembekalan bagi tujuan siasatan lanjut dengan nilai keseluruhan rampasan RM98,496.

"Serbuan dilakukan di sebuah gudang di Sendayan Tech Valley, Bandar Sri Sendayan mendapati syarikat tersebut masih belum memperoleh kelulusan bagi permohonan baharu Lesen Borong Barang Kawalan Berjadual."

"Semasa pemeriksaan dijalankan kami telah menemui 34,560 kilogram (kg) gula dalam kemasan peket satu kg berada dalam milikan di premis berkenaan," katanya dalam satu kenyataan pada Jumaat.

Sehubungan itu, syarikat terbabit disyaki telah melakukan kesalahan di bawah Akta Kawalan Bekalan 1961 iaitu berurusan secara borong/runcit barang berjadual tanpa lesen yang dikeluarkan oleh pengawal bekalan.

"Kesemua gula dan dokumen-dokumen yang berkaitan pembekalan telah disita bagi tujuan siasatan lanjut," katanya.

Sementara itu, Muhammad Zahir menjelaskan, pihaknya juga membuat serbuan kedua di premis tanpa nombor di Jalan Kampung Bemban di sini yang

dipercayai menjalankan aktiviti penyelewengan minyak diesel dengan rampasan sebanyak RM50,252.

"Siasatan mendapati terdapat dua buah lori berada di kawasan berkenaan dalam keadaan yang mencurigakan apabila berlaku kerja-kerja pemindahan minyak diesel daripada tangki lori itu ke dalam tangki di belakang lori yang lain.

"Hasil serbuan ini, sebanyak 10,550 liter minyak diesel, dua buah lori, tangki IBC dan peralatan digunakan untuk kerja-kerja pemindahan diesel telah disita bagi tujuan siasatan," ujarnya.

FOTO KPDNHEP NS



KPDNHEP rampas 34,560 kilogram gula bernilai RM98,496.



PENGUAT kuasa KPDNHEP membuat serbuan di sebuah syarikat di Bandar Sri Sendayan kerana didapati menyimpan gula tanpa kebenaran.

KPDNHEP bongkar kegiatan sorok gula lebih 34.5 tan

Seremban: Kegiatan sorok bekalan gula kembali berulang apabila penguat kuasa Kementerian Perdagangan Dalam Negeri dan Hal Ehwal Pengguna (KPDNHEP) membongkar tindakan syarikat tempatan menyimpan lebih 34.5 tan gula tanpa kebenaran.

Gula seberat 34,560 kilogram dianggarkan bernilai RM98,496 dirampas selepas KPDNHEP memeriksa sebuah syarikat di Bandar Sri Sendayan di si-

ni, semalam.

Pengarah KPDNHEP Negeri Sembilan, Muhammad Zahir Mazlan berkata, serbuan jam 11 pagi itu mendapati pemilik syarikat belum memperoleh kelulusan bagi permohonan baharu Lesen Borong Barang Kawalan Berjadual.

"Ketika pemeriksaan dijalankan, kami menemui sebanyak 34,560 kg gula dalam kemasan pekiet satu kg berada dalam premis berkenaan," katanya.

Simpan 34,560 kilogram barangan bernilai RM98,496 tanpa kebenaran

Syarikat pengeluar gula kena serbu

Oleh NOR SHAFAWATI YUP

SEREMBAN – Sebuah syarikat pengeluar gula di Sendayan Tech Valley, Bandar Sri Sendayan, di sini kelmarin diserbu Kementerian Perdagangan Dalam Negeri dan Hal Ehwal Pengguna (KPD-NHEP) Negeri Sembilan membatalkan nilai rampasan RM98,496.

Serbu pada pukul 11 pagi dilakukan selepas syarikat itu belum memperoleh kelulusan bagi permohonan baharu Lesen Borong Barang Kawalan Berjadual.

Pengarah KPDNHEP Negeri Sembilan, Muhammad Zahir Mazlan berkata, pemeriksaan yang dilakukan menemui sebanyak 34,560 kilogram gula dalam kemasan pekot satu kilogram dalam milikan di premis berkenaan.

"Syarikat terbabit disyaki telah melakukan kesalahan di

bawah Akta Kawalan Bekalan 1961 iaitu berurusan secara borong atau runcit barang berjadual tanpa lesen yang dikeluarkan oleh pengawal.

"Kesemua gula dan dokumen-dokumen yang berkaitan pembekalan telah disita bagi tujuan siasatan lanjut dengan anggaran nilai rampasan RM98,496," katanya dalam kenyataan semalam.

Dalam pada itu, beliau berkata, pihaknya turut membuat serbuan kedua di premis tanpa nombor di Jalan Kampung Bemban, di sini yang dipercayai menjalankan aktiviti penyelewengan minyak diesel dengan rampasan sebanyak RM50,252.

"Siasatan mendapati terdapat dua buah lori berada di lokasi dalam keadaan mencurigakan di mana terdapat kerja-kerja pemindahan diesel dari tangki lori itu ke dalam tangki di belakang

lori yang lain.

"Dua orang suspek warga tempatan masing-masing berusia 46 tahun ditahan bagi tujuan siasatan," katanya.

Jelasnya, pemeriksaan lanjut mendapati terdapat 10,000 liter cecair minyak diesel berada dalam tangki di belakang sebuah lori berkenaan.

"Sebanyak 200 liter lagi minyak diesel berada dalam tangki asal sebuah lagi lori di situ.

"Turut ditemui sebuah tangki *intermediate bulk container* (IBC) yang juga disyaki mengandungi sebanyak 350 liter minyak diesel," katanya.

Tambahnya, siasatan awal mendapati dua suspek itu tidak mempunyai sebarang lesen, permit, permit khas atau surat kebenaran Pengawal Bekalan bagi berurusan dengan barang kawalan berjadual bagi minyak diesel.



PEGAWAI Penguat Kuasa KPDNHEP Negeri Sembilan menyerbu sebuah gudang syarikat pengeluar gula di Sendayan Tech Valley, Bandar Sri Sendayan, Seremban kelmarin.

Taktik 2 lori seleweng diesel dibongkar

Kuala Lumpur: Kehadiran mencurigakan dua lori yang berulang-alik mengisi diesel di sebuah stesen minyak di Batu 6 Jalan Puchong, di sini, membongkar kegiatan penyelewengan bahan api subsidi itu di premis terbabit.

Kegiatan terbabit dibongkar selepas premis itu diserbu Kementerian Perdagangan Dalam Negeri dan Hal Ehwal Pengguna (KPDNHEP) pada Rabu lalu.

Selain dua lori berisi 4,000 liter diesel subsidi disita, pihak berkuasa turut menahan dua lelaki yang juga pemandu lori terbabit.

Ketua Penguatkuasa KPDNHEP Kuala Lumpur, Nurul Syarina Md Anuar, berkata kejayaan itu hasil risikan dua minggu pihaknya ke atas stesen minyak terbabit.

Berdasarkan pemantauan, katanya lori yang diubah suai itu akan melakukan pembelian diesel bersubsidi seawal jam 8 pagi hingga 11.30 malam itu secara bergilir-gilir.

"Setiap lori dikenal pasti membeli 4,000 liter diesel sehari dengan nilai RM8,600 dan pembayaran akan dilakukan pada sebelah malam sebelum stesen minyak itu tamat operasi," katanya melalui kenyataan, semalam.

Beliau berkata, pihaknya turut menyita dokumen, resit jualan dan rakaman kamera litar tertutup (CCTV) dari stesen minyak terbabit bagi menyiasat kemungkinan pembabitan premis itu dengan kegiatan berkenaan.

"Dua lelaki yang ditahan itu akan disiasat mengikut Akta Kawalan Bekalan 1961 kerana melakukan urus niaga barang kawalan tanpa lesen, manakala pemilik stesen minyak disyaki melanggar arahan Pengawal Bekalan kerana membenarkan pembelian secara berulang kali bagi sebuah kenderaan pada hari yang sama.

"Semua individu terbabit turut disiasat mengikut Akta Pencegahan Pengubahan Wang Haram, Pencegahan Pembiayaan Keganasan dan Hasil Daripada Aktiviti Haram 2001," katanya.

BERNAMA

Setiap lori dikenal pasti membeli 4,000 liter diesel sehari dengan nilai RM8,600

Nurul Syarina Md Anuar, Ketua Penguatkuasa KPDNHEP Kuala Lumpur



Lori beli diesel berulang kali, ketua bayar waktu malam



LORI yang diubah suai untuk mengisi minyak diesel bersubsidi sebelum disleweng disita KPDNHEP dalam serbuan di stesen minyak di Jalan Puchong.

Kata Laporan: Sindiket penyelewengan diesel dikesan menggunakan taktik pembelian bahan bersubsidi itu secara berulang bagi mengelak dihidu pihak berkuasa.

Lori sindiket itu juga diubah suai dan mengisi diesel di stesen minyak yang dikenal pasti sebelum menghantar bahan bakar itu ke stor haram.

Kegiatan haram itu dilakukan bermula antara jam 8 pagi hingga 11 malam setiap hari dengan setiap trip pembelian sebanyak 4,000 liter.

Bagaimanapun, taktik sindiket itu terbongkar selepas penguat kuasa Kementerian Perdagangan Dalam Negeri dan Hal Ehwal Pengguna

(KPDNHEP) melakukan serbuan di sebuah stesen minyak di Batu 6, Jalan Puchong di sini, Rabu lalu.

Ketua Pegawai Penguat Kuasa KPDNHEP Kuala Lumpur Nurul Syarina Md Anuar berkata, ketika serbuan dilakukan terdapat dua lori diubah suai di stesen minyak berkenaan sedang membuat pengisian diesel bersubsidi dalam kuantiti besar.

"Pasukan serbuan membuat pemeriksaan terhadap kedua-dua lori dan menyita 4,000 liter minyak diesel bernilai

RM8,600.

"Kedua-dua lori turut disita dan dua pemandu lori ditahan," katanya dalam satu kenyataan, semalam.

Menurutnya, siasatan mendapati pembayaran dilakukan secara tunai oleh ketua sindiket pada waktu malam sebelum stesen minyak ditutup bagi mengelak daripada dikesan.

"Stesen minyak berkenaan juga disiasat bagi memastikan sejauh mana pembabitannya dengan sindiket."

Kedua-dua lori dengan muatan 4,000 liter minyak diesel bernilai RM8,600 disita

bagi operasi ini dianggarkan bernilai RM68,800.

"Kes disiasat mengikut Akta Kawalan Bekalan 1961 kerana disyaki melakukan kesalahan iaitu menjalankan urusan niaga barang kawalan tanpa memiliki lesen sah, manakala stesen minyak disyaki melanggar arahan pengawal bekalan iaitu membenarkan pembelian secara berulang bagi kenderaan pada hari sama," katanya.

Katanya, siasatan dijalankan mengikut Akta Pencegahan Pengubahan Wang Haram, Pencegahan Pembiayaan Keganasan dan Hasil Daripada Aktiviti Haram 2001 (AMLATFPUA 2001).

"Jumlah keseluruhan disitaan

Taktik isi minyak berulang kali

KPDNHEP berjaya bongkar aktiviti selewang diesel bersubsidi

Oleh MUHAMMAD AMINURALIF MOHD ZOKI
 KUALA LUMPUR

Tindakan mencurigakan beberapa buah lori mengisi minyak berulang kali di sebuah stesen minyak membongkar aktiviti penyelewengan diesel di stesen minyak tersebut di Batu 6, Jalan Puchong di sini pada Rabu.

Ketua Pegawai Penguat Kuasa Negeri, Kementerian Perdagangan Dalam Negeri dan Hal Ehwal Pengguna (KPDNHEP) Wilayah Persekutuan Kuala Lumpur, Nurul Syarina Md Anuar berkata, kegiatan tersebut terbongkar menerusi serbuan yang dijalankan pihaknya kira-kira jam 4.10 petang.

Menurut beliau, maklumat awal yang diperolehi menyatakan terdapat beberapa buah lori berkanvas dan *bonded* membuat pembelian diesel bersubsidi di stesen minyak berkenaan secara berulang-ulang pada satu-satu masa.

"Hasil risikan selama dua minggu mendapati beberapa buah lori telah diubahsuai untuk membuat pembelian minyak diesel se-



Pegawai KPDNHEP Wilayah Persekutuan Kuala Lumpur menjalankan pemeriksaan ke atas sebuah lori yang dipercayai menjalankan kegiatan penyelewengan minyak diesel bersubsidi di sebuah stesen minyak di Batu 6, Jalan Puchong pada Rabu.

awal jam 8 pagi sehingga jam 11.30 malam pada setiap hari kecuali pada Ahad.

"Beberapa buah lori tersebut akan membuat pembelian diesel bersubsidi secara bergilir-gilir dan pembelian berulang pada setiap hari di stesen minyak berkenaan," katanya dalam kenyataan pada Jumaat.

Ujarnya, setiap lori dikenal pasti membuat pembelian sebanyak 4,000 liter diesel sehari dengan nilai RM8,600.

"Pembayaran akan dilakukan secara tunai pada sebelah malam sebelum stesen minyak ditutup bagi mengelak daripada dikesan oleh pihak berkuasa.

"Bekalan minyak diesel ini akan dihantar oleh pihak sindiket ke sebuah stor haram yang terletak di

luar kawasan Kuala Lumpur," katanya.

Menurutnya, semasa serbuan dijalankan, terdapat dua buah lori yang diubahsuai di stesen minyak berkenaan sedang membuat pengisian diesel bersubsidi dalam kuantiti agak besar.

"Kedua-dua buah lori tersebut disita dan pihak kami juga turut menyita minyak diesel sebanyak 4,000 liter iaitu dianggarkan bernilai RM8,600, selain menahan dua pemandu lori berumur 23 dan 32 tahun untuk tindakan lanjut.

"Selain itu turut disita adalah dokumen, resit jualan diesel dan kamera litar tertutup (CCTV) melibatkan stesen minyak berkenaan. Jumlah keseluruhan sitaan bagi operasi ini dianggarkan bernilai RM68,800," katanya.

Rampas 500 liter diesel disorok dalam van

Sibu Sejumlah 500 liter minyak diesel yang disorok dalam tangki di belakang sebuah van di Jalan Chin Hua di sini, dirampas Pasukan Polis Marin Wilayah 5 Sibu pada Rabu lalu.

Ketua Polis Daerah Sibu, Asisten Komisioner Zulkipli Suhaili berkata, van terbabit yang dipandu seorang lelaki

tempatan berusia 41 tahun ditahan dan diperiksa dalam Op Kontraban pada jam 7 pagi.

"Hasil pemeriksaan kenderaan terbabit membawa muatan minyak diesel lebih kurang 500 liter dalam tangki yang disimpan di bahagian belakang kenderaan berkenaan.

"Pemandu gagal mengemukakan sebarang bukti berdokumen kebenaran memiliki, menyimpan serta membawa barang kawalan tanpa permit kebenaran khas Kementerian Perdagangan Dalam Negeri dan Hal Ehwal Pengguna (KPDNHEP)," katanya dalam satu kenyataan, semalam.

PARKIR VALET 90 MINIT RM22

Oleh Meor Riduwan
Meor Ahmad
am@hmetro.com.my

*Wanita tak puas hati dakwa caj parkir
di sebuah pusat beli-belah 'cekik darah'*

Melaka

Kadar bayaran parkir valet terlalu mahal di sebuah pusat beli-belah terkemuka di sini, menecah RM22 bagi tempoh satu jam setengah menimbulkan ketidakpuasan hati pengunjung.

Perkara itu dikongsikan seorang wanita menerusi tular rakaman video di media sosial dengan menyifatkan kadar bayaran dikenakan itu sebagai 'cekik darah' dan menganiaya pengguna.

Berdasarkan rakaman tular itu berdurasi tiga minit dan 29 saat itu, wanita terbabit mendakwa dia pergi untuk menikmati makanan di sebuah restoran terkenal di pusat beli-belah itu Ahad lalu.

Bagaimanapun beberapa individu mendakwa tiada petak parkir kosong di pusat beli-belah itu dan dia dipaksa menggunakan parkir valet.

Dia mendakwa tiada pilihan dan terpaksa membayar RM15 untuk memasuki parkir valet serta bayaran menggunakan kad Touch 'n Go sebanyak RM5 untuk parkir tanpa had masa.

Lebih dikesalkan dikenakan caj tambahan RM7 ketika mahu memandu keluar



“
Dalam pertemuan
itu mereka bersetuju
mengembalikan
lebih RM7 kepada
pengadu
Norena

PENGUAT kuasa KPDNHEP Melaka melakukan pemeriksaan dan siasatan berkenaan parkir valet di sebuah pusat beli-belah terkemuka di Melaka.

dari pusat beli-belah berkenaan.

Dalam pada itu, Pengarah Kementerian Perdagangan Dalam Negeri dan Hal Ehwal Pengguna Negeri (KPDNHEP) Melaka, Norena Jaafar berkata, pihaknya menjalankan siasatan susulan aduan menerusi video tular itu.

Katanya, hasil pertemuan dengan pengurusan parkir di

pusat beli-belah itu memaklumkan lokasi berkenaan diuruskan pihak ketiga dengan bayaran RM15 sekali masuk.

“Bayaran tambahan RM7 dikenakan kerana parkir valet terletak di tingkat bawah pusat beli-belah berkenaan.

“Dalam pertemuan itu mereka bersetuju mengembalikan lebih RM7 kepada pengadu dan akan menambatkan sistem parkir valet

iaitu tiada lagi caj parkir biasa dikenakan jika pelanggan memilih untuk parkir di ruang parkir valet pada masa depan,” katanya.

Norena menegaskan pengguna berhak memilih sama ada menggunakan parkir valet atau biasa dan pihak terbabit turut diberi amaran keras supaya perkara itu tidak berulang.

Promosi kraf peluang beli barangan Malaysia

Oleh OMAR ZIN
omar.zin@mediamail.com.my

KUALA LUMPUR: Promosi Kraf Sempena Kempen Beli Barangan Malaysia berlangsung pada 10 hingga 16 Oktober 2022 di pusat beli-belah Publika, Kuala Lumpur dengan penglibatan 30 usahawan dan komuniti kraf.

Promosi ini memberi peluang kepada orang ramai untuk membeli pelbagai jenis produk kraf tempatan dengan harga berpatutan dan pembeli berpeluang mendapat rebat baucar RM30 dengan setiap pembelian gandaan RM100 ke atas semua produk yang dijual antaranya batik, seramik, piuter, produk kayu, aksesori dan dekorasi kraf.

Program dianjurkan oleh Kementerian Pelancongan, Seni dan Budaya melalui Kraftangan Malaysia dengan kerjasama Kementerian Perdagangan Dalam Negeri dan Hal Ehwal Pengguna (KPDNHEP).

Pengarah Kanan Bahagian Pembangunan Industri Kraftangan Malaysia, Azran Arip menjelaskan, pengunjung dapat melihat dan merasai sendiri penghasilan produk kraf melalui interaktif yang



AZRAN bersama usahawan batik di promosi 'Promosi Kraf Sempena Kempen Beli Barangan Malaysia 2022'.

disediakan," katanya.

Kata beliau, apa yang istimewanya promosi kali ini ialah kempen 'Ini Batik Malaysia' yang selari dengan pengumuman Perdana Menteri, Datuk Seri Ismail Sabri Yaakob yang mengisytiharkan 3 Disember

merupakan Hari Batik Malaysia yang disambut setiap tahun.

"Ini supaya masyarakat mengenali batik Malaysia. Kita adakan pameran 'Ini Batik Malaysia' bagi memberi pendedahan peringkat awal tentang perbezaan batik Malaysia

kepada pengunjung yang datang ke promosi ini," katanya.

Pada masa sama, Azran menjelaskan, program turut memberi peluang kepada usahawan kraf tempatan untuk memasarkan produk secara fizikal selain daripada memasarkannya secara dalam talian iaitu platform MYCRAFTSHOPPE.

"Sepanjang tiga hari promosi ini berlangsung, jumlah jualan amat menggalakkan dan diharap sasaran jualan kraf RM400,000 dan jumlah pengunjung seramai 30,000 orang dapat dicapai. Ini sekaligus memberi hasil pulangan yang positif kepada usahawan dan komuniti kraf," katanya.

Beberapa aktiviti menarik turut disajikan buat pengunjung antaranya kuiz, putar dan menang, pertandingan seni kreatif, persembahan kesenian dan permainan rakyat.

Justeru, Azran menaruh harapan tinggi agar masyarakat Malaysia dapat menyokong produk kraf tempatan dan industri kraf secara keseluruhan.

"Sebelum ini pandangan orang bahawa produk kraf hanya untuk

kegunaan harian tertentu sahaja tetapi produk kraf ini sebenarnya mempunyai pelbagai kegunaannya. Melalui Kempen Beli Barangan Malaysia dan Kempen 'Ini Batik Malaysia', diharap masyarakat dapat menyokong dan membeli produk kraf tempatan bagi merancakkan ekonomi negara, itu yang kita harapkan," katanya.

**AZRAN
ARIP**



Senarai Harga Barang Keperluan	
• Ayam	RM7.49
• Daging Lembu Tempatan	RM44.29
• Daging Lembu Import	RM50.90
• Telur Gred A	RM13.35
• Ikan Kembung	RM14.99
• Minyak Masak	RM7.10
• Gula Pasir	RM2.85
• Bawang Besar Holland	RM2.89
• Bawang Putih	RM4.99
• Cili Merah	RM9.90
• Kubis Bulat Tempatan	RM3.50
• Tepung Gandum	RM2.60

*Harga (RM/kg) Sumber: KPDNHEP



KEMENTERIAN PERDAGANGAN DALAM NEGERI
DAN HAL EHRNAL PENGGUNA

KERATAN AKHBAR DAN MEDIA ONLINE (BERITA UMUM)

15 OKTOBER 2022 (SABTU)

Rosol tidak 'sekukuh' Empangan Kenyir

PENYANDANG Ahli Parlimen Hulu Terengganu, Datuk Rosol Wahid daripada Parti Pribumi Bersatu Malaysia (Bersatu) bakal berhadapan cabaran gentir untuk mempertahankan kerusi tunggal Bersatu di Terengganu dalam Pilihan Raya Umum Ke-15 (PRU15).

Kedudukan Timbalan Badan Pimpinan Bersatu Negeri Terengganu didakwa tidak lagi 'sekukuh' Empangan Kenyir yang terletak di Hulu Terengganu selepas ditolak oleh ahli dan penyokong UMNO di Parlimen tersebut berikutan tindakannya mengkhianati parti itu.

Perkembangan yang berlaku itu menyebabkan Timbalan Menteri Perdagangan Dalam Negeri dan Hal Ehwal Pengguna tidak lagi selamat sekiranya kekal bertanding untuk mempertahankan kerusi tersebut.

Kerusi Parlimen Hulu Terengganu merupakan antara kubu terkuat UMNO di negeri ini sejak sekian lama.

ANALISIS

Malah, kemenangan beliau dalam Pilihan Raya Umum Ke-14 (PRU14) lalu juga atas tiket Barisan Barisan (BN) sebelum menyertai Bersatu pada Disember 2018.

Keadaan tersebut dilihat menjejaskan peluang Rosol menawan semula kerusi Parlimen Hulu Terengganu yang dimenangnya pada PRU14.

Pada pilihan raya umum itu, Rosol memenangi kerusi Parlimen itu dengan majoriti 2,868 undi menewaskan calon Pas, Muhyiddin Abdul Rashid dan calon Parti Keadilan Rakyat (PKR), Datuk Razali Idris yang kini merupakan Ketua Badan Pimpinan Bersatu Negeri Terengganu.

Pengaruh Rosol juga dikatakan semakin goyah apabila



ROSOL WAHID

jumlah ahli Bersatu di Hulu Terengganu tidak begitu ramai terutama di peringkat akar umbi untuk menggerakkan jentera pilihan raya.

Pada masa sama, beliau juga dijangka bertembung dengan Ahli Dewan Undangan Negeri

(ADUN) Telemong, Datuk' Rozi Mamat yang juga merupakan Setiausaha UMNO Negeri.

Sebelum ini, Pengerusi UMNO Negeri, Datuk Seri Ahmad Said telah mengumumkan BN akan meletakkan Rozi bertanding di kerusi Parlimen Hulu Terengganu dalam PRU15.

Rozi pula dikatakan mempunyai peluang lebih cerah untuk merampas semula kerusi Parlimen tersebut kerana beliau merupakan antara salah seorang bakal calon yang disenangi dalam kalangan pengundi setempat.

Bagaimanapun, Rosol masih berpeluang mengekalkan kemenangan di kerusi tersebut dengan mengharap sokongan daripada ahli Pas atas semangat perjuangan Parikatan Nasional (PN) di negeri ini.

Jentera kempen Rosol pada PRU15 nanti akan digerakkan sepenuhnya oleh ahli Pas untuk membantu kemenangannya di Parlimen Hulu Terengganu.